



Reglament davart il survetsch dentari da scola

460.000

C u n t e g n

I.	Determinaziuns generalas	3
Art. 1	En general	3
Art. 2	Equalitat dallas schlattineas	3
Art. 3	Organisaziun ed administraziun	3
Art. 4	Profilaxa	3
Art. 5	Dentist da scola	3
II.	Finanziaziun dils cuosts	3
Art. 6	Repartiziun dil cuosts	3
Art. 7	Incasso dils cuosts dil dentist da scola	3
Art. 8	Incasso dils cuosts dad ulteriurs dentists diplomai	4
Art. 9	Cumpart communal	4
III.	Determinaziuns finalas	4
Art. 10	Approbaziun e vigur	4

Sebasond sin l'ordinaziun davart la tgira da dents en scola dil cantun Grischun (DG 421.850) relai la vischnaunca da Sumvitg las suandontas prescripziuns:

I. Determinaziuns generalas

Art. 1 En general

¹ Alla tgira da dents en scola ein suttamess tut ils affons domiciliai ella vischnaunca da Sumvitg che frequentan la scoletta, sco era il temps da scola obligatori.

² La tgira da dents cumpeglia l'instrucziun per in nutriment correct ed ina tgira da dents adequata, mesiras da profilaxa, sco era la controlla ed il tractament dentistic dils affons.

Art. 2 Equalitat dallas schlattineas

Las indicaziuns davart persunas, funcziuns e professiuns en quest reglement sereferechan ad omisduas schlattineas.

Art. 3 Organisaziun ed administraziun

Cun l'organisaziun e l'administraziun dalla tgira da dents vegn il cussegl da scola, representaus entras il meinascola, incaricaus.

Art. 4 Profilaxa

¹ Per motivar ed instruir ils affons da scoletta e dalla scola primara dattan instructurs regionalas duas gadas per onn da scola ina lecziun en mintga classa.

² Las gidontras ed ils gidonters per la tgira da dents en scola ch'ein vegni incumbensai dil cussegl da scola, resp. dil meinascola, fan tenor las perscripziuns dallas instructuras e dils instructurs quater gadas per onn da scola in exercezi cul barschun da dents.

Art. 5 Dentist da scola

Cun l'execuziun professiunala dil survetsch dentari incarichescha la suprastanza communalia in dentist ni ina dentista. L'incarica detagliada vegn circumcreta en in contract.

II. Finanziaziun dils cuosts

Art. 6 Repartiziun dils cuosts

¹ La vischnaunca porta ils cuosts per las mesiras da profilaxa e las controllas annualas obligatorias.

² Ils cuosts pil tractament dils dents van a quen dils geniturs.

Art. 7 Incasso dils cuosts dil dentist da scola

¹ Ils quens dil dentist da scola vegnan tarmess alla vischnaunca.

² Ils cuosts per la controlla ed il tractament vegnan tschentai a quen separadamein. Ils quens pil tractament succedan per mintga singul affon.

³ Pigl incasso dalla cumpart dils geniturs procura la vischnaunca.

Art. 8 Incasso dils cuosts dad ulteriurs dentists diplomai

¹ Ils quens dad ulteriurs dentists diplomai pil tractament d'affons da scola vegnan tarmess als geniturs.

² Als geniturs vegn pagau la cumpart communal, aschinavon ch'els inoltreschan alla vischnaunca ils quens originals cul rendaquer della cassa da malsauns.

Art. 9 Cumpart communal

¹ Dils cuosts pil tractament dils dents surpren la vischnaunca la mesedad, denton maximal frs. 400.-- per affon e per onn da scola.

² Avon che tschentar alla vischnaunca la damonda da contribuziun ein ils quens da tarmetter alla cassa da malsauns. La vischnaunca restituescha dalla summa restonta, la quala la cassa da malsauns surpren buca, la cumpart tenor al. 1. Ils quens da tractament, sco era il rendaquer della cassa da malsauns, ein d'aschuntar alla damonda per la contribuziun communal.

³ La damonda da contribuziun ei d'inoltrar all'administraziun communal.

III. Determinaziuns finalas

Art. 10 Approbaziun e vigur

Quest reglement vegn approbaus entras la radunanza communal da 18 da december 2012 e passa en vigur retroactiv cun igl 1. da schanel 2012 e vala naven digl onn da scola 2011/2012.

Il president communal

sig. Walter Deplazes

Il canzlist communal

sig. Patrick Schaniel